

ՀՐԱՂԴԱՆ ՀԱՄԱՅՆՔԻ ՍՈՑԻԱԼԱԿԱՆ ԱԶԱԿՑՈՒԹՅԱՆ ՎԵՐԱԲԵՐՅԱԼ
ԿԱՄԱՎՈՐ ԽՆԴԻՐՆԵՐԻ ԼՈՒԾՄԱՆ ՉԱՓՈՐՈՇԻՉՆԵՐԸ, ՍՈՑԻԱԼԱԿԱՆ ՊԱՇՏՊԱՆՈՒԹՅԱՆ
ԲՆԱԳԱՎԱԹԻՄ ՀՐԱՂԴԱՆ ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԻ ԵՎ ԴՐԱՆՑ ՈՒՂԴՎԱԾ
ՍԵՓԱԿԱՆ ԼԻԱԶՈՐՈՒԹՅՈՒՆՆԵՐԻ
ԻՐԱԿԱՆԱՑՄԱՆ ԿԱՐԳԸ

1. Սույն կարգով կարգավորվում են Հայաստանի Հանրապետության օրենսդրությամբ Հրազդան համայնքի ղեկավարին (այսուհետ՝ համայնքի ղեկավար) վերապահված սոցիալական պաշտպանության բնագավառում կամավոր լիազորությունների իրականացման և դրանց համար անհրաժեշտ ֆինանսական միջոցների հատկացման կարգի հետ կապված հարաբերությունները և սոցիալական աջակցության վերաբերյալ կամավոր խնդիրները լուծման չափորոշիչները :

2. Համաձայն «Տեղական ինքնակառավարման մասին» օրենքի (այսուհետ՝ օրենք)՝ համայնքի ղեկավարը իրականացնում է օրենքում ամրագրված կամավոր լիազորություններ:

3. Համայնքի ղեկավարը կարող է իրականացնել համայնքի շահերին վերաբերող Հայաստանի Հանրապետության սահմանադրությանը, օրենքին, համայնքի ավագանու որոշումներին և այլ իրավական ակտերին չհակասող ցանկացած այլ լիազորություններ:

4. Համայնքի ղեկավարը իրականացնում է հետևյալ կամավոր /սեփական/ լիազորությունները՝ սոցիալական պաշտպանության բնագավառում.

1) միջոցներ է ձեռնարկում հայտնաբերելու սոցիալական աջակցության կարիք ունեցող անձանց և ընտանիքներին.

2) նպաստում է համայնքում բնակվող սոցիալական աջակցության կարիք ունեցող անձանց և ընտանիքների սոցիալական կարիքների բավարարմանը՝ կազմակերպելով տնային այցելություններ և հնարավորության դեպքում մատուցելով «Սոցիալական աջակցության մասին» օրենքով սահմանված սոցիալական ծառայություններ կամ ուղղորդելով սոցիալական ծառայություններ տրամադրող տարածքային մարմիններ կամ մասնագիտացված այլ կազմակերպություններ.

3) որպես «Սոցիալական աջակցության մասին» օրենքով սահմանված աջակցող ցանցի ներկայացուցիչ՝ համագործակցում է վերջինիս մասնակիցների հետ.

4) ապահովում է «Սոցիալական աջակցության մասին» օրենքով սահմանված տեղական սոցիալական ծրագրերի կազմումը և իրականացումը՝ որպես առանձին ծրագիր կամ որպես համայնքի հնգամյա զարգացման ծրագրի բաղկացուցիչ մաս.

5. Նշված լիազորություններն իրականացվում են թիրախային և հասցեական մոտեցմամբ՝ համաձայն համայնքի ավագանու ֆինանսավարկային, բյուջետային և տնտեսական հարցերի մշտական գործող հանձնաժողովի եզրակացության,

6. Այն դեպքում, երբ համայնքի ղեկավարի կողմից կամավոր լիազորությունների իրականացման համար չի պահանջվում ֆինանսական միջոցների հատկացում, համայնքի ղեկավարը դրանք իրականացնում է ինքնուրույն և սեփական պատասխանատվությամբ:

7. Համայնքի ղեկավարին թույլատրվում է արտակարգ կամ չնախատեսված այլ իրավիճակի (բնական և տեխնաժին աղետներ) առաջացմամբ կամավոր լիազորությունների իրականացման համար հատկացնել

համապատասխան ֆինանսական միջոցներ, բայց ոչ ավել, քան տվյալ տարվա համայնքի բյուջեով նախատեսված սեփական եկամուտների 1 (մեկ) տոկոսի չափով:

8.Սոցիալական աջակցության վերաբերյալ կամավոր խնդիրների լուծման համար սահմանվում են հետևյալ չափորոշիչները (առավելագույն չափերը Հայաստանի Հանրապետության դրամով կամ դրան համարժեք բնաիրային, ծառայությունների տեսքով)`

- 1) համայնքի սոցիալական աջակցության կարիք ունեցող բնակչին կամ ընտանիքին` 20.000 (քսան հազար),
- 2) արտակարգ իրավիճակից (բնական, տեխնածին աղետ) տուժած բնակչին (ընտանիքին)` 200.000 (երկու հարյուր հազար),
- 3) արցախյան պատերազմի 1-ին կարգի հաշմանդամին` 15.000 (տասնհինգ հազար),
- 4) արցախյան պատերազմի 2-րդ,3-րդ կարգի հաշմանդամին` 10.000 (տաս հազար).
- 5) 1941-1945թթ.-ի Հայրենական Մեծ պատերազմի մասնակցին` 15.000 (տասնհինգ հազար),
- 6) զոհված (մահացած) ազատամարտիկի, այդ թվում` մարտական գործողությունների և (կամ) հերթափոխի ընթացքում զոհված զինծառայողի ընտանիքին` 20.000 (քսան հազար),
- 7) սոցիալական աջակցության կարիք ունեցող ընտանիքի անդամի և (կամ) հարազատ չունեցող բնակչի հուղարկավորության համար` 50.000 (հիսուն հազար),

9.Մշակութային միջոցառումների կազմակերպման, իրականացման և մասնակցության համար` 2.000.000 (երկու միլիոն)` ըստ տվյալ տարվա բյուջեի հիմքում դրված միջոցառումների ցուցակի և դրա հիման վրա համայնքի ավագանու կողմից բյուջեով հաստատված հատկացումների շրջանակներում համայնքի ղեկավարի կայացրած որոշումների:

10.Համայնքի ղեկավարի կողմից կամավոր լիազորությունների իրականացման շրջանակներում շահույթ չհետապնդող կազմակերպություններին և ոչ պետական, ոչ ֆինանսական կազմակերպություններին հատկացվելիք (դրամաշնորհներ, նվիրատվություններ և սուբվենցիաներ) ֆինանսական միջոցների առավելագույն չափը սահմանվում է 1.000.000 (մեկ միլիոն) (Հայաստանի Հանրապետության դրամով կամ դրան համարժեք բնաիրային, ծառայությունների տեսքով):

11.Կամավոր լիազորությունների իրականացման համար ֆինանսական միջոցներ հատկացվում են յուրաքանչյուր տարվա համար` ըստ տվյալ տարվա բյուջեի հիմքում դրված ծրագրերի:

12. Նույն անձին կամ ընտանիքին օրացուցային տարվա ընթացքում կարող է տրամադրվել մեկից ավել անգամ սոցիալական աջակցություն:

13.Արգելվում է սոցիալական աջակցության տրամադրումը համայնքում հաշվառում չունեցող և (կամ) համայնքում մշտական բնակիչ չհանդիսացող քաղաքացուն: